



廖仲愷先生

逝世週年紀念特刊

國民革命軍總司令蔣中正

十一月八日



廖仲愷先生遺像



革命軍人的導師



三民主義的實行者

工農群眾的保母

廖仲愷先生遺言

「在殖民地半殖民地的國民革命運動、在殖民地與半殖民地的國民黨中，必然發生革命派與反革命派」

「革命實在是我們唯一的出路，我們不獨要革軍閥與帝國主義者的命，我們并且要革「反革命派」的命，這才是澈底的革命工作。」

「官僚，軍閥與帝國主義，是我們全國人的公敵，那一派人代表民衆來打銷這兩種力量，便是革命派，佔我國台最多的是農工階級，那一派替農工階級打銷壓迫他們的力量，便是革命派。反而言之，凡與軍閥，帝國主義者妥協並壓迫農工的人們，便是反革命派。」

這本小冊子，因編輯時間，過于短促，其間自不免有許多遺落錯誤的地方；又因倉卒付印，致有許多同志送來的稿子，都不能盡量發展，這是對讀者要特別聲明，同時對熱心投稿的同志們要表示歉意的。

編者

目次

(一)	廖仲愷先生傳畧	精衛
(二)	廖先生事蹟一斑	乾甫
(三)	廖先生殉難週年紀念	有成
(四)	紀念廖先生我們所不能忘記的幾件事	康侯
(五)	八月二十日紀念節的重大意義	伯鈞
(六)	我所認識的廖仲愷先生	慧僧
(七)	我們為什麼要紀念廖仲愷先生	天羽
(八)	紀念廖先生的意義	實先
(九)	廖先生是為什麼死的	嶽僧
(十)	紀念廖先生	逸常
(十一)	紀念廖先生及我們今後的努力	劉壽

(十二)	我們要怎樣的紀念廖仲愷先生·····	尙果
(十三)	爲廖仲愷先生逝世週年紀念日告革命同志·····	豪桐
(十四)	在偉大的紀念之前·····	維清
(十五)	北伐時期中廖先生殉難週年紀念·····	世沅
(十六)	廖仲愷先生殉難週年紀念宣傳大綱·····	本部

廖仲愷先生傳畧

先生姓廖氏，諱恩煦，字仲愷，以字行，廣東惠陽縣鴨仔步村人也，父竹賓，商於美，雖去祖國，其教子女，輒以國學爲先，先生以中華民國紀元前三十四年三月十日生，生十七年始歸國，於國學已明徹，而西學亦涉其藩籬矣，由是益致力，學亦益進，年二十一，娶夫人何氏香凝，伉儷至篤，其時中國積弱，外侮洊至，士多發憤求學於外國，先生有志於此，而費無所出，夫人慨然，出私蓄，資之行，遂留學日本，越年，夫人亦至，相與砥礪學問，先生初入早稻田大學經濟預科，繼入中央大學政治經濟科，其生平長於經濟理財，導源於此也，日俄戰起，中國危殆，益不可終日，乙巳之歲，孫先生文至東京，集十七省革命同志，組織中國同盟會本部，先生夫婦先後與盟，其盡瘁於國民革命自此始，旋奉孫先生命，潛赴天津，有所謀畫，其時學未成，棄去無所顧惜，及謀畫不就，乃復回東京，

卒所業，始歸國，居前清吉林巡撫陳昭常幕中，辛亥八月，武昌革命軍起，各省響應，九月，廣東光復，先生遂歸廣州，司財政，鼎革之際，財政勢如亂絲，先生從容整理，不數月，收支適合，迄於去官之日，庫有餘財焉，癸丑革命軍敗，孫先生亡命日本，先生從，中華革命黨成立，以先生善理財，使與張君人傑同掌財政，五年，袁世凱死，從孫先生回國，居上海，六年，督軍團謀爲變，毀約法，解散國會，孫先生集海軍將士議討之，遂率第一艦隊至廣州，開大元帥府，以護法爲天下倡，而西南羣帥，各持異端，齟齬之無所不至，七年，孫先生遂解職，還居上海，始從事建國方畧之著作，先生感於孫先生頻年不獲行其志，由國人理喻者寡，始肆力於宣傳，乃與諸同志創建設雜誌，出所學以質當世，其所譯全民政治最有名，孫先生於民權主義講義中，曾稱道之，九年，粵軍自漳州回師，復廣州，迎孫先生歸，十年五月，孫先生被舉大總統，先生以廣東省財政廳長兼財政部次長，旋爲陳炯明所忌，辭廳長職，專理財政部事，陳炯明叛

志漸萌，先生覺之，值桂管新定，先生乃力贊孫先生出兵北伐，而銳以轉餉自任，孫先生自是年十月至十一年四月統大軍，駐桂林，無匱乏之憂，先生力也，然以是益爲陳炯明所忌，所以窘先生者萬端，欲阨北伐軍，俾不得成行，四月杪，孫先生遂自桂林回師，免陳炯明職，復以先生兼財政廳長，不旬日，發幣三百萬，遂出師江西，戰連捷，定贛州，垂克吉安，而陳炯明以六月十六日舉兵反，先一日遣使給先生至石龍，囚之，六十二日始釋，先生遂復至上海，從孫先生，先是孫先生深念民國以來，禍亂無寧日，雖軍閥肆虐，而帝國主義實操縱之，顧帝國主義方宰割世界，無能抗者，及俄國革命起，則大慰，以爲得良友，十一年冬俄國專使越飛至上海，謁孫先生，議論相契合，孫先生遂命先生偕越飛赴日本，越飛養病熱海，先生昕夕與相聚，議論上下古今自是先生始決意力贊孫先生結連世界革命者與以帝國主義抗矣，十二年春，楊希閔劉震寰以兵自白馬東下，假孫先生名義，討陳炯明，走之，遣使至上海，迎孫先生蒞廣州，然楊希閔

劉震寰實無意革命，凡孫先生教令，悉陽奉陰違，口惟爲暴於民，以歛財自肥，孫先生意怫甚，念帝國主義與軍閥勢既益猖獗，而廣州號革命根據地，乃名實相反若是，非舉中國國民黨改絃更張之，不足以振頹靡之氣，非創黨軍，不足以掃去障礙，使黨之主張，得以實施，乃於十二年冬，布教令，改組中國國民黨，先生贊襄最力，十三年春，既被命爲中央執行委員，兼工人部長，遂辭廣東省長職，悉其力以從事，復與蔣君中正同被命籌備黨軍，設陸軍軍官學校於黃埔，蔣君任校長，而先生任黨代表，殫精焦思，以期有成，艱難百折非所恤，蜚語萬端非所顧，迄於陸軍教導團成立，中國國民黨，始得一能奉行黨義之軍隊，而國民革命始有進行之機倪矣，是年夏間，先生復任廣東省長，秋，廣州商團謀爲亂，先生欲先發制之，格於事勢，不得行，遂去職，商團叛，討平之，其時北方戰事已作，孫先生親率諸軍北討曹錕吳佩孚，以先生爲財政部長，兼廣東省財政廳長，軍需總監，蓋欲以後方轉輸之任相託也，先生鑒於武人專橫，財政

割裂，積成憤，至是，乃發表所主張統一軍政財政之計畫，其言至切直，遠近傳誦，而格於楊希閔劉震寰，不得行，先生遂不就職，會曹琨吳佩孚已戰敗，孫先生輟北伐之師，以開國民會議及廢除不平等條約號召天下，躬自北上，促其實行，將啓行，以各軍暨各軍新設學校黨代表之任，屬之先生，其時陳炯明聚兵惠潮梅，乘孫先生北上，謀來犯，先生乃與蔣君中正激勵黨軍，務以一戰解廣東人民之疾苦，雪吾黨之恥辱，十四年春正月杪，孫先生在北京疾篤，陳炯明率師攻石龍，黨軍合粵軍迎擊，大破之，進至平山三多祝，所向皆克，遂復海豐，定汕頭，羣賊披靡，東江悉平，孫先生卒於三月十二日，卒之前猶及聞黨軍捷報也，當東江羣賊未敗時，楊希閔劉震寰潛與通，謀自全，及賊勢熾，意不自安，乃結唐繼堯，使率師東下，謀以廣州爲內應，六月，黨軍暨粵軍自東江回師，合湘滇軍討平之，蓋自是而假藉革命名義盤據廣州之元惡大憝始掃除以去，廣州始得爲革命之根據地矣，先生於此兩役，運其智勇，使將士各得所展布，而農工

民衆，亦感先生至誠，悉力爲國民革命前驅，故成功之速若此，然楊劉之亂，以六月十二日平定，而二十三日沙基慘殺案已作，帝國主義利用軍閥爲亂不得逞，乃直接屠殺中國人民，其勢至岌岌，先生指導民衆與帝國主義抗，復努力成立國民政府，以求軍政財政民政之統一，以一身兼國民政府委員，軍事委員，國民政府財政部長，廣東省財政廳長諸職，由是驕兵悍將貪官污吏皆以先生所爲不便於己私，遂勾結帝國主義，爲之鷹犬，以謀不利於先生矣，八月二十日，先生偕夫人乘車赴中央執行委員會會議，中途，遇監察委員陳君秋霖，戰與俱，既至會，入門，將升階，兇徒五六人突起狙擊，中要害，遽卒，陳君亦被創，後先生二日卒，嗚呼，先生爲革命盡力二十餘年，最近所成就，其裨益尤大，自孫先生歿，而先生更以一身繫革命前途之安危，先生之死，非第中國之不幸，世界革命之不幸也，先生生平勤學，尤勇於任事，其自奉廉約，二十餘年如一日，其嘉言美德，後死同志，將纂輯成篇帙，併其遺文，以餉當世，茲僅紀其犖犖大

者，夫人何氏，與先生同心一德，女夢醒，子承志，亦能繼志述事，先生既歿，後死同志，念先生翌贊孫先生，功甚偉，議決葬先生於南京鍾山孫先生墓次，復從何夫人請暫厝於廣州朱執信先生墓左隙地，以先生與執信志節同境遇亦同也，十月十四日，國民革命軍既復惠州，於公園及鴨仔步村，立碑紀先生功，且以永其哀思，先生之精神，將與巖石同其不朽焉，
中華民國十四年十一月六日

汪兆銘敬撰

廖先生事蹟一斑



乾甫

仲愷先生在日本留學時。余與之同寓。相交至久。因將當時事蹟及性行畧畧。畧述一二。以爲作詳傳者之參考焉。

廖先生惠之歸善縣人，然素不居鄉，少時隨父客美洲古巴，自云少時頑劣非常，不樂讀書，至十六歲父死，自美返國。在船中忽然深澈省悟，覺以前舉動事事皆非，人生獨立問題活現眼底，一到香港，前後如出兩人，精勤苦學，各書無所不窺。四五年後所學如宿儒詩詞文藝無不精妙，并傍及美術，字尤秀雅，並喜研究維新革命之書。時家已中落，財產非豐，何香凝同志爲香港豪富，慕其才而嫁之，嫁後盡鬻釵環所有，相將赴日本留學，仲公體小而何較高壯，余初見以爲姊弟焉！

尋租一室於早稻田附近，名曰魯廬，余之同寓並有蕭廬二君，室頗精美，有園林之勝，仲愷日讀英文歷史等書，何同志則喜美術音樂，余除學

日文讀普通學外，並蒙仲愷指導以美術文學英文等。如是者凡一年，是年秋，中山先生秘密抵日，欲求有志青年爲革命之助，仲公卽與區金鈞盧少岐等往見，組織一秘密機關於青山，集青年十餘請日本軍官教授軍事學。是年冬，仲愷已考入早稻田大學預科，然時來青山贊助一切，後何同志返省，竟遷來同居。翌年，日俄開戰，秘密軍事機關因是解散，余遂返國。次年仲愷與胡漢民返國，過滬訪余，道及日本留學生革命盛況，余躍然心動，遂重遊日本，時留學生已由數百人增至五六千人，革命鼓吹非常盛大。秋間，中山先生重到作公開之革命講演，組織同盟會，出版民報，一時人才大盛。仲公與汪胡二公均爲孫先生所器重，爲黨之文事中堅。黃克強等則爲內地組織連絡之中堅，遂組織黨部。仲公任外交部長，余以通俄文任次長，并任與俄革黨交際事，尋以事權不一，辦事困難，遂辭職。既而廖任廣東同鄉會長，此時始發展其辦事才能，會事整秩有條，爲他省同鄉會所莫及，後因選派海軍學生事會員中大起風波，有以爲幹事會辦理不

宜者，時朱執信任書記，與會員發生衝突，遂全體幹事辭職。余任之庶務幹事亦連帶去職，此後同鄉會竟風流雲散，無復重組之希望。蓋仲公爲留學生中之所素仰，凡有大事，必就而請教之，仲公時已入中央大學政治科，然所研究均帝國主義之政治經濟。當時社會主義科學猶未行，孫先生乃自歐美携返社會主義之書籍多本，交其研究，並時與同人討論三民主義之理論及實行方法，有所得則著論於民報，由是學問大進，而三民主義乃日昌明，次年孫先生重到日本，則黨務已甚堅實，虛浮之少年，多已不在，更注重內地之宣傳組織。既而余畢業於農科返滬，廖亦畢業於中央法科返港，及後廖竟與友人赴京應考清廷留學生試，道出滬上，余笑之曰：子亦爲之耶？彼曰子學實業固無須乎虛名，若余則專門政法，正宜得此以入清庭握其政權以成革命之工作，更屬易易，子試看我後來之舉動可也。入京後，得法政科舉人入吉林巡撫陳昭常之幕，辛亥革命後返粵，任財政司長，乃大展其才。初時庫空如洗，陳炯明濫發紙幣至數千萬，價值低落，